

Bosna i Hercegovina  
Federacija Bosne i Hercegovine  
Kanton Sarajevo  
Grad Sarajevo  
Općina Novi Grad Sarajevo  
Općinski Načelnik  
Broj: 02/12-45-6491/22  
Sarajevo, 18.04.2022. godine

Na osnovu člana 70. Zakona o javnim nabavkama ("Službeni glasnik", br. 39/14), te člana 14. stav 2. tačka 2. Pravilnika o nabavci roba, uvršenju usluga i ustupanju radova, br. 09-05-26263/15 od 27.11.2015. godine, u predmetu javne nabavke usluga – "Održavanje DOKUMENT MENADŽMENTA", u pregovaračkom postupku bez objavljivanja obavještenja o nabavci, po preporuci Komisije za javne nabavke roba i usluga, Općinski načelnik, donosi

### O D L U K U

1. Prihvata se ponuda ponuđača „OCEAN“ d.o.o. Travnik sa najnižom cijenom ponude u iznosu od 6048,90 KM sa PDV-om, u predmetu javne nabavke usluga Održavanje DOKUMENT MENADŽMENTA“, u pregovaračkom postupku bez objavljivanja obavještenja o nabavci, shodno članu 64. stav 1. tačka b) Zakona o javnim nabavkama.

2. Zadužuje se Služba za zajedničke poslove da obavjesti učesnika u pregovaračkom postupku o donošenju Odluke o rezultatima okončanog postupka javne nabavke i da zaključi ugovor po konačnosti iste.

3. Protiv ove Odluke dozvoljena je žalba u roku od 10 dana od dana prijema iste, a koja odlaže izvršenje.

### O b r a z l o ž e n j e

Na osnovu zahtjeva Službe za zajedničke poslove br. 02/12-sl/20 od 16.03.2022. godine za odobravanje javne nabavke „Održavanje Dokument menadžmenta“, donešena je Odluka o pokretanju postupka javne nabavke, br. 02/12-45-6491/22 od 18.03.2022. godine, shodno članu 21 stav 1. tačka c) Zakona o javnim nabavkama i pokrenut postupak javne nabavke za usluge „Održavanja dokument menadžmenta“ na period od godinu dana, putem pregovaračkog postupka bez objave obavještenja o nabavci.

Shodno navedenoj Odluci, upućeno je pozivno pismo «OCEAN» d.o.o. Travnik za dostavu ponude sa priložima.

Ponuđač «OCEAN» d.o.o. Travnik je u roku ostavljenom za dostavu ponude dostavio inicijalnu ponudu, dana 31.03.2022. godine, a dana 04.04.2022. godine je izvršeno otvaranje iste, te zapisnički konstatovano da ponuđena cijena navedene usluge iznosi 5.170,00 KM bez PDV-a, odnosno 6.048,90 KM sa PDV-om, na period od godinu dana.

Komisija izvršila pregled dostavljene ponude te utvrdila da je ista računski ispravna i prihvatljiva, odnosno da ispunjava uslove iz pozivnog pisma.

Istog dana sa predstavnicima ponuđača održani su pregovori i postignut je sporazum o pružanju usluga održavanja aplikativne programske opreme Dokument menadžmenta na upotrebi kod naručioca koja je isporučena po ugovoru iz 2004. godine, a koje se sastoji od dva funkcionalno različita procesa, održavanje licenci aplikativnog softvera ili tehničku podršku što podrazumjeva otklanjanje eventualnih grešaka u aplikativnom programskom modulu, nadogradnja – dopunjavanje verzije aplikativnog programskog modula sa novim dodacima i verzijama te nadogradnja manjeg obima – nadogradnja prema promjeni zakonskih okvira i podršku koja može biti funkcionalna i operativna i podrazumjeva pomoć u korištenju aplikativne postavke koja obuhvata: dodatnu pomoć u korištenju aplikacije, manje izmjene implementirane aplikativne postavke i dodatnu tehničku pomoć za tehničko obrazovanje korisnika o čemu je sačinjen Zapisnik o provođenju pregovaračkog postupka, br. 02/12-45-6491/22 od 04.04.2022. godine.

Obzirom da je postignut sporazum o svim bitnim elementima ugovora, ponuđač je pozvan da dostavi konačnu ponudu sa potvrđama nadležnih institucija u skladu sa članom 45. Zakona o javnim nabavkama u roku od 5 dana od dana otvaranja ponude, a koja je dostavljena dana 06.04.2022. godine sa traženom dokumentacijom.

Kako je ponuđač dostavio konačnu ponudu dana 06.04.2022. godine sa ponudenom cijenom usluge u iznosu od 5.170,00 KM bez PDV-a, odnosno 6.048,90 KM sa PDV-om, u sastavu koje su dostavljene potvrde iz člana 45. Zakona o javnim nabavkama, to je na Preporuku Komisije za javne nabavke roba i usluga, shodno članu 64. stav 1. tačka b) Zakona o javnim nabavkama, odlučeno kao u dispozitivu.

**Pouka o pravnom lijeku:** Protiv ove Odluke dozvoljena je žalba Uredu za žalbe Mostar u roku od 10 dana po prijemu iste. Žalba se izjavljuje putem ovog organa u pisanoj formi direktno, elektronskim putem ili preporučenom pošiljkom u najmanje tri primjerka.

DOSTAVITI:

1. Služba za zajedničke poslove
2. U spis

